

PREPORUKE MLADIH ZA BiH DELEGACIJU ZA COP28

Cijenjene ekselencije i uvažena delegacija Bosne i Hercegovine,

Mladi ljudi iz cijele Bosne i Hercegovine, ovim putem s vama dijelimo zabrinutost i hitni apel u vezi posljedica klimatske krize i degradacije okoliša unutar Bosne i Hercegovine.

Prije svega, **izražavamo duboku zabrinutost za buduće blagostanje naše planete** i prosperiteta budućih generacija. S najvećom iskrenošću i hitnošću **pozivamo na neposrednu i odlučnu akciju** u rješavanju hitnih pitanja **klimatskih promjena, održivog razvoja, zagađenog zraka i očuvanja okoliša.**

Pravo na čist, zdrav i održiv okoliš, priznato od strane Vijeća UN-a za ljudska prava, a potom i od strane Opšte skupštine UN-a, zahtijeva hitnu i odlučnu pažnju naše vlade.

Prepoznamo **ključnu ulogu mladih u borbi protiv klimatske krize** i inzistiramo na **nužnosti uključivanja i osnaživanja mladih ljudi** u ovom nastojanju. Imperativ je ponuditi **perspektive karijere i prilike u područjima povezanima s održivim okolišem**, čime se zadržava talent unutar naše zemlje i potiče posvećena radna snaga za zeleniju budućnost.

Nadalje, hitno **urgiramo i molimo** vlasti da se **krucijalno pitanje zagađenog zraka**, koje predstavlja ozbiljnu prijetnju javnom zdravlju, **adresira promicanjem prijelaza na čistu energiju, rješavanjem grijanja u domaćinstvima, te poboljšanjem efikasnosti i pokrivenosti javnog prijevoza.**



Obrazovanje ima temeljnu ulogu u poticanju svijesti i predanosti održivom životu. Naglašavamo potrebu za **sveobuhvatnim obrazovnim programima** koji promovišu **važnost očuvanja okoliša**, uz istovremeno osiguravanje **pristupa čistoj energiji našim školama i obrazovnim ustanovama**, te općenito **povećanje energetske efikasnosti**.

Prijelaz na alternativne i zelene izvore energije ključan je korak prema održivoj budućnosti. Potičemo **ulaganje u obnovljive izvore energije**, prepoznajući potrebu za **socijalno pravednim prijelazom** koji uzima u obzir utjecaj na različite zajednice, posebno one koje ovise o industriji povezanoj s ugljenom.

Također, **ističemo** ključnu **važnost očuvanja bioraznolikosti i borbe protiv štetnih učinaka ilegalne sječe šuma, zagađenja i uništavanja staništa** naših jedinstvenih ekosistema i ugroženih vrsta.

Nadalje, **skrećemo pažnju** na specifične ekološke izazove i predložena rješenja vezana uz **strategije ublažavanja poplava, utjecaj malih hidroelektrana** te kompleksnosti vezanih za **iskopavanje uglja, i ekonomske tranzicije** unutar Bosne i Hercegovine.

Apeliramo da predstavnici i predstavnice unutar BiH delegacije na COP28 zagovaraju ove ciljeve i da **priortiziramo djecu i mlade ljude u središte klimatske agende** kao jednu od najranjivijih kategorija, koja se treba **aktivno uključiti u relevantne diskusije i inicijative** za rješavanje ovih ekoloških pitanja.

Naša zajednička budućnost ovisi o odlučnom, usklađenom i aktivnom djelovanju.

S poštovanjem tražimo vašu pažnju i aktivno djelovanje po ovim pitanjima, zbog prosperiteta Bosne i Hercegovine i očuvanja naše planete.

